

6
EXERCITATIO, XXVI.

CONTINET,

FOETVS OCTIMESTRES,

copioso indigere alimento, adeò, vt nõ modo bonum sanguinem absumant, sed etiam vitiosum alliciant, sic q; plenitudinem sanguinis peculiarcm, in vtero prægnantium (mensem octauum attingentium) desiderari, ac proinde ex tali plenitudine oriundam inflàmationẽ fictitiã deprehendi, Phlebotomiam, quæ sectis pedibus instituitur abortientibus, & parturiẽtibus, vel pro muliebrium retentione, aut ex hac orta inflàmatione, euacuatoriam, & prouocatoriã esse, & dici; at illa, quæ fit, vt eris inflàmatis; aperta saphena, est deriuatoria. Obiter, Iaquinum non probasse, sanguinis missionem in pedibus menstruas purgationes deriuare. Perpetuò (in necessitate phlebotomiæ) vtero grauidarum inflàmato, citus, cautiusq; , quam in non foetis, brachij venas pungendas, fore. In prægnantibus vteri inflàmatione vexatis, circa initia a pedibus sanguinem detrahendum defendere (excudentis pace) assertũ in artificiosum, in humanumq; extitisse. Auctore, Doctore

Ioanne de Luna, Vega, Marcenensi, Hispalensis
academiæ olim rei medicæ primario pro-
fessore. Hispali Anno Domini

1610.

*

3

U

3

CANDIDIS LECTORIBVS,
QVIBVS PLATONE CHARIOR,
& magis amica est veritas, Doctor Luna His-
palensis Medicus plurimam salutem
impertitur.

PERNITIOSA TYPIS EX-
cussa Hispali, venæ sectio in pedibus
gravidæ; mensem. 8. attingentis, in
principio phlegmones uterum obfidē-
tis, Paradoxæ, in eiusdem utero, parti-
cularis sanguinis plenitudo, secundum
naturā, atq; ex plenitudine, peregrina supra naturalē
concursum inflammatio circum scripta, sepiusq; val-
lata (Viri Doctissimi) me denuò admovent, ut adeas
lucubrationes, studiaq; quæ, vocē, typisq; , semper ve-
stram præstātiā exhortari curavi (videlicet prius, po-
tiusq; Hippocratis, Galeniq; , & seniorum monumēta
evoluenda, dein librōs, seu codices recentiorum iure
appellatos) id impræsentātum, Deo duce, iterum, exē-
plo ostendere aggrediar. Quos verōs artium condito-
res, & doctores, utinā, iam omnes, diurna, nocturnaq;
manu versaremur. Ex his enim, quo cultu tractādi sint,
tum fœtus, cum fœtæ, non incongruè Christicolæ edu-
cemus. Sed dolendum profecto, quod senioribus, & re-
centioribus in manticam posteriorem reiectis, in hac
ætate (in qua faciens medicina suo pristino nitore resti-
tuta est) ausus fuit quidā (alias doctissimus vir) inter
multa alia, non parum dubia, eam ostentare erga pul-
cherrimas utero gerentes impicitatem, vel iacundiam,
ut nulla grauidationis ratione habita, nec dum eas le-
ges, alijs mulieribus statutas, ex eisdem morbis vexa-
tas, ac apriscis medicis concessas, utero in quam geren-

tibus permiserit. Durum medicis, & grauidis illis dirū est assertum, Doctoris contendētis, in vtero non grauidæ inflammatione tentato, statim venam bracchij in cidēdam, at in grauida, ex pedibus incipiendū. Quod inquirō flagitium, nostri tēporis vtero gerentes, filiaeq; nostræ admiserunt? Vt hæc lex, in illas sit sancita? Vtq; cum illis multo pius, quam cum præteritis grauidis agendum sit. Hæc est christianorum pietas? Sic respiciamus; vt nōs ipsos, proximum? Hæc cum non intra priuatos parietēs, sed publicè, & auctori dixissem, & de nouo, maximoq; (meo iudicio) crimine, ipsum commouissem amico animo sæpius, ecce mota est bilis, me ad arenā vocat, atque mihi interroganti, seridè ne ad scribendum me inuitaret? respōdit, se lubenter hoc ipsum postulare, atq; non ægrè laturum. Sicq; primū, moneo, omnesq; amicos certiores facio, nō tam studio cōtradicens, nec viri doctissimi existimationi labefactādæ (cuius honorī vnus ego, plusquam cūcti mediçi Hispanenses tribuo, & plus diligo) sed vnus veritatis asseuerandæ gratia, me in publicum exiisse. Secundò, illos, quibus non fuit copia, præallegatos, in cura singulari, auctores euoluendi, scire exopto omnes illos auctores adductos pro riuali, vt approbantes, venas secandas in grauidis, non locutos de venis pedis, sed venas manus, brachiorumq; intellexisse, illos verò, qui qualē qualem venæ sectionis saphenarum, in grauidis cōmemorationem fecerunt (neq; enim est quæstio de lana caprina) potius annotasse scripto, quam re ipsa exportos fuisse neq; experiundum suasisse ita, vt vix verbum repperiri in fauorē venæ sectionis ex pedibus in phlegmone vteri, grauidæ, possit. Quæ de auctōribus verè tortis, potius quam allegatis, sed vnum pro veritate nostra adducam, aut alterum, primumq; vidouidium, haud indignum, quem credo, vniuersas bibliothecas exhaustisse.

Vbi ait. *Quam obrum, dum mulieres utero gerunt, si tunc forte, morbo aliquo prehendantur, in illis curandis, a multis praesidiis abstinemus, quæ audacter adhiberemus, si uterus foret inanis, ne concitamus abortum, si quidem percunte (scilicet factu) & praesertim grandiori, sed adhuc immaturo, periclitatur maxime ipsa quoque; samina, in cuius utero is continetur, ac sapissime cogitur, vitam cum morte commutare.* Rodericus de Castro, tum damnas vltum expurgationis, in utero gerentibus, tum temeraria consilia, tam in perpetrando abortu, quam in parui pendendo, sic cautè concludit. *Cum igitur alterum eorum sit seruandum, matri prospiciendum in tempore putant, ne uterq; pereat, at cum id fieri nequeat, sine fatus detrimento, factus esse, ut is statim proficiatur, qui post modum, ut putant, projiciendus est. Verum eorum sententia, nequaquam admittenda, dupliciter enim peccat, primò, quia non sunt facienda mala, ut inde eueniant bona, secundo, quia in morbis acutis pragnantium abortus, lethalis est. Nam cum uterq; affectus perse sit semper periculosus, si conjungantur, ac malum malo addatur, res in extremum periculum adducetur. Sic Hippocrates mulieri uteri erysipelate correpta, pharmacum bibendum dat, si modo grauida non sit. Quod si oppositum nouumquam successerit, id rectum ex errore iudicandum, quod imitari non licet, nec rationi illud tribuendum, sed robori mulierum, per quod errata medicorum tollerare potuerunt. Securiusq; semper fuit, & fatus, & matris summam habere rationem. Sic enim plerumq; factum, ut uterq; superuixerit. Hæc ille, quod vero pleriq; de impudicis foeminis, referunt, quantum assequor, vel iustitiæ, vel omnipotentis Dei misericordiæ tribuendum venit. Deniq; epylepticæ, venæ sectiones aliis relinquens. Nam momentum occasionis remedij, ad praesentes attinere, ars medica docet. De paradoxa doctrina venæ sectionis in principio, e saphenis in grauidis, quæ assequor, dicam, interea dū, doctiores incepta accerrimè perficiant, & potiora multo foelicius asserere, satagant, & primo decisio contraria (in quam fe*

Li 11. de cura
ratione mem
bratum c. 16

In scholio ad
caput. 21.

Li. de opt. &
ita ad Libra
syb.

ror, impugnandaq; subjiciatur, Valetē.

¶ Decisio partis oppositæ.

Mibi certe, & in pragnantium erysipelate, aut inflammatione (si sanguinis missione cum morbo certandum sit) eodem curationis genere, vtendum esse apparet. Itaq; adhuc in pragnantibus, sapientiam incidendam esse, assero. Est autem huius mea sententia fundamentum. Quod in iis, quæ vtero habent, ex sanguine menstruo ibi conculcato, & multo ante confluxo, inflammatio concitata est, atq; etiã totum curationis negotium consistit in mensum prouocatione. Nam in hoc conveniunt amba inflamationes, tam qua in pragnante est, quam in ea, qua parturiuit, quod scilicet, ex eadem causa, & eodem modo ad productionem se habent sunt, ac proinde, quod eodem modo debeant, quantum agitur ad curationem, trahari. Hæc legis latoris more fanciuit, legunturq; scripta (& sæpe repetita, vbi eandem medellam vultesse, vteri inflamationis in foetis, abortiētibus, & pariētibus) in curatione singulari, articulo 4. pag. 76 absq; probatione, in re difficilima, quæ periculum duplicis homicidii insnuat, iuxta omnium medicorum (nullo dempto) communissimum consensum, pro quibus sic pugnandum, tribus statutis assertionibus, hacq; serie.

g. Conclusio.

Mulierem vtero gerentem, præsertimq; in postremis mensibus grauidationis, in acetabulis, vteri q; venis, plenitudinē sanguinis inculcati, & multo ante confluxi habere, atq; ex illa oriundam inflamationem, ad placitum assertum est. Nam tales grauidas caecobimia, viscosissimisq; succis scatere, experientia, ratio, auctorcsq; demonstrant.

Deus optimus maximus, melior natura (nihil nõ faberrime machinatus) sic indiuiduorum durationi prospexit, vt pro indigentia alimentum attrahatur (vt statim probabo) secundumq; debitum augmentum, adco, vt grandiusculi fames, inter causas doloris partus puerperarum enumeretur, vnde audiendus non est (quantumuis

tumuis doctissimus, expertissimusq; est) qui hanc particula-rem plenitudinē inuexit, in scopum, venæ sectionis, saphenarum in utero gerentibus, verum, quum e cō-
 trario, totum parti impertiarur (atq; dispeream si hæc œconomia cuius homini mediocris ingenii non arri-
 ferit) & vniuersus prægnantium habitus succis malis plenus sit, sit, vt specialis plenitudo fictam generans in-
 flammationem, ab utero foetarū, præfertimq; in vltimis mensibus, iure medico sic sit delenda. Nam Hippocra-
 tes *A* ad quem, tanquam ad lydium lapidem, & fontem sacrum recurrendum est, scripsit, & toties, vt nemo excusari possit. Atq; adoleſcētiæ medicæ gratia nōnulla referam, *At vero* (inquit) *mulier, cum vterum gerit, a men-*
sibus prodeuntibus, propterea non dolet, quod sanguis non con-
turbatur, acceruatim abire solitus singulis mensibus, sed procedit sensim, & citra dolorem, quotidie in vterum ipsam, & quod est intus in utero, augetur, singulis autem diebus, ea gratia pro-
*cedit, & non semel, per mensem, quod genitura existens in utero, semper a corpore, pro vt vires, tum spiratio ipsa habet, & primā quidem modica spiratio sit, & sanguis modicus a matre procedit, cum vero spiratio amplior redditur, magis sanguinem trahit, & uberius in vterum descendit, & max. Primis (ait) diebus, vbi genitura in vteros illapsa, paucissimus sanguis, a muliere in vte-
 ros venit, deinde copiosior, si enim acceruatim, & multus semel veniret, genitura spirationem habere nō posset, sed sanguine mal-
 to accedente, suffocaretur, ecce. Vbi innuit, proportionabili-
 ter, atq; pro captu sanguinem descendere, & attrahi, & sint hæc testimonia manifesta, huc respicit *B* Hippocra-
 tis censura. Et magis, quo fetus est maior. Enarratoreq; Ga-
 leno. Ex defectu alimenti fetus destruitur, non modo misso san-
 guine ex vena, sed etiam ex longiori iardia, ostendemus autē hoc ipsum, paulo post, & per alios aphorismos. Sic q; in sententiæ, hanc præcedentis enarratione, pro acutorum congrua diligentia, ex periculo instituenda, dixerat. Asterum*

A
 Lib. de nat.
 pueri.

B
 5. apho. 31.

vero

vero, quod ex longo intervallo cibum dantes, ex alimenti defectu fatum destruemus. Sic etiam mulieri utero gerenti, si m^ama graciles repente fiant, abortit. Haec en^o ex Hippocrate textus, textuum doctrinam vel ignorantibus, vel inimicis adduxi, quos interrogare licet, utrum sit firmius didicisse medicinam ex codicibus, & papiro, absq; libris quam ex fontibus Hippocratis, & Galeni, & clasicorū bibisse? Atq; (sint in numero Deo gratiæ) & incurādo facultatem, methodumq; Galeni, opere conari exequi, atq; utriusq; dogmata exponere, ænigmata intelligere. Quam paucis, hinc indeq; emendicatis, quod nunquam poterunt assequi (adeo sunt stupidi) invidiq;, aliis ut injuriam obtrudere? Sed ad institutum, laconicum senem (rationem semper reddens, atq; demonstrans) & Galenus insecutus, plenitudinem, non solum ab utero prægnantis mensem. 8. tangentis; sed ab uniuerso corpore abegit. Nam loquens de utero gerentiū citta, seu malacia, sic ait. *Atq; complures earum, huiusmodi vitio laborant, vsq; ad secundum, aut tertium mēsem, in quarto vero quiescunt, partim, quod vomitione vitiatum humores expurgantur, partim quod concoquantur. Ut pote exiguum cibi, tum su mente muliere, ob fastidium, partim etiam, quod multitudo vacuatione sit imminuta. Quippe primis mensibus (En Hippocratis semina exculsa) fatus, paucum ad se alimentum, seu sanguinem trahit, eo quod parum adhuc auctus sit. Adeo, ut ne fatus quidem nominari tunc debeat, sed cyema potius, id est conceptus. Vbi iam increuerit, tunc plurimo indiget alimento, atque tunc, non id, quod optimum est, e venis (ut antea dicebam) allicit, verum etiam quia maiorem alimentum copiam requirit, aliquid vitiosi simul attrahit, ita fit, ut uniuersum corpus, & plethoricum esse, id est plenum esse, desinat. Et C. si igitur sanguis descendit in uterū, mittente toto, & attrahente foetu, & si cesset in toto plenitudo (& crescat vitium & cacochimia ut statim) vndè nam uteris accedet plenitudo ficta?*

C

4. de sympt.
caus. 7.

fieta? Agamus ratione, quorsum enim plura? cū in qua cumq; pueri seu foetus, habitudine, siue inquam in vtero gestatus, sit sanus, vel æger (nullum enim tertium statum hic inuenio, qui si contingat, vni extremorum adaptandus) incompatibilitas plenitudinis particularis, in grauidis, iam grauib; elucebit, atq; hoc dilemmate, plenitudinem implicare contradictionem, ex ratione ostendam. Nam si sanus, fortisq; sit foetus, non solum bonum, sed & viciosum alimentum exhaurit, vt ex Hippocrate, & Galeno, constat; si vero æger, imbecillisq; est puer, multo deterior plenitudo reddetur, dicente eodem bono sene. *¶ Mulieri vtero gerenti, si purgationes eant, impossibile est, fatum esse sanum.* Facultas enim vteri in grauida (& a foetu lassâ) superfluentem sanguinem, tanquam inutile, quantitateq; alienum a sese excutit, naturæ lege, nam vt in cōmentario docet Galenus. *Siquidem ille fatus, qui fortis est, ad sui alimentum, vtitur illo, qui ex toto corpore ad vteros fertur.*

¶
5. apho. 60.

Quod si fortassis, aliquis objiciat Auerroum scribentem. *Dixit Hippocrates, quod pregnans non debet phlebotomari, nisi quando embryonis virtus fuerit fortis, hoc est a mense quarto, vsq; ad septimum, nisi humores fuerint spuriosi, & ptarmaciam concedit tunc.* Ego autem dico, quod quando adest repletio, qua fatus non indiget, non est mala.

¶
7. coll. lib. 1. 4

Auerroo (si respōsione, Hippocrati oppositus indiget) dicere poteris, de totius repletionem locutum, quā possibilem in aliquibus grauidis, & in mensibus, non nego, & hanc plenitudinem, ex totius plenitudine procedere, & foueri ratio dicit, sicque, quando eo res de venerit, vt isthæc plenitudo vteri phlegmonem admitterit, necessario a brachiis primo, demēd^o est sanguis, deniq; Auerrous nec Hippocratem recte consulberat, repletionem in illis mensibus negantē, caccochymiaq; purgantem.

Ex breuiter probatis, nulla est in grauida, mensẽ octauum ingressa, vteri specialis plenitudo, nusquam enim apparet, ac per consequẽ, procedens ex illa infã matio ficta, vt posset saluari, saphenæ in grauidis, iussa phlebotomia, contentionis plena. Quare superest nũc vtero gerentium caccochimiam, præsertim in vltimis mensibus (sic enim subaudiendus est totus hic sermo) vniuersalem, etiam, breuissimo quoddam compendio attingere. Sic dicat Hippocrates. *F Quum mulier in vtero gerit, tota fit, cum virore pallida, quoniam purus ipsius sanguis quotidie ex corpore destillat, & in fatum descendit, & augmentum ipsi accedit, & cum paucior ipse sit, necesse est, esse pallidam, semperq; alienos cibos appetere, & sanguinem intrare, & debilior fit, quoniam sanguis minuitur.*

Sed hoc ipsum, videlicet, mulierem vtero gerentẽ, mensẽ octauum attingentem, & alias, potius vitium sanguinis, quam plenitudinem accumulare; vno, aut altero medio medicinæ, probetur. *G Quales sunt in corpore humores, tales colores in cutẽ apparent.* Sed in vtero gerentibus apparent liuidi, pallidi, atrii, mixtiq; ex his (nostri vocant empañados) igitur tales in corpore esse humores, indicant. maior est Hippocratis, ac Galeni principium, minor supra, ex eisdem constitit, quam oculi sæpe quotidie iudicant, igitur vtero gerentes caccochimiam congerunt.

2 H Tales cibos appetunt vtero gerentes, quales humores habent in ventriculo, & venis illis, sed appetuntur acidi, austeri, acerbi carbones, aliaq; multa absurda, igitur tales habent in corpore, venisq; humores, scilicet vitiosissimos. maior est principium medicum, minor non minus, igitur euidens est ad sensum, grauidas non plenitudine, sed corruptione repleri, vtrunque igitur probaui, non esse plenitudinem sanguinis in vtero specialem, atque caccochimiã redundare in toto corpore.

F

Lib. 1. de
morbo mulie.

G

Lib. de hum.
& 1. apb.
com. 2.

4. de causis
Simp. 6. 7.

Tandemq; , quid sentiendum est de iis, qui in libro
rum lectione, & artis operibus insentierunt? quod nō
legerint Galenum, passim hæc docentem. *I Quibusdā*
in ipso partu sanguis effusus, diuersa est qualitate, his biliosus,
aliis melancholicus, aliis virulentus, aut pituitosus, aut mediocri
ter bonus, sed inculpatus haud vnquam. Nam eius portio optima
in fetus incrementum est insumpta. Hæc Galenus, quem om
nes medici in hoc in secuti sunt, sicuti in præcipua dif
ficultate, videlicet, quod grandiores fetus solent san
guinem abundantē absumere, ita vt, nullus possit rep
periri, qui manibus, pedibusque in hanc sententiā non
dēscenderit, atque hæc de prima conclusione.

I
I. epid. I. in
vxoie I. bis
lini.

Plenitudini, & inflammationi ex suppressis muliebribus ortis,
cōmuniissima, contraria semperq; ex sapientia debetur pleboto-
mia, ac vero humori in substantiam vteri influxo, in plegmones
incremento, remedium deriuans debetur, quare recedat, cum se-
quacibus Iaquinus (alioquin de remedia optime meritis) qui ve-
na sectionem ex cruribus, pro euocandis mensibus, deriuatoriā
vult.

I. Conclusio.

Et vulgus nouit, affectiones vteri, cedere venis in ta-
lo scētis, sed an euacuationis, vel deriuationis gratia,
id, non ad quencumq; medicū spectat. Sed & si, ex natu-
ra rei procedere, atq; ex ipsa quid sit agendum, repperire, est in
nostra arte scopum attingere, attamen voces, terminosq;, &
& signa cōceptuū esse, & maximæ cōsiderationis, præ-
cipuè in artium primis conditoribus, dubio caret, mul-
tum enim refert (& vtinam iam audiam ego doctissimi-
mos socios me docentem & in consultationibus, & pro-
ponentes. Vacuādum suggerit affectio, si vnicus sit simplexq;
affectus, vel si multiplex, praeualet in hoc affectu, & præstāda est
venulsiā, ante alias indicationes, nā magis rrgret hic, qua ille
morbis, atq; præponderat.) In Galeni lectione semper in-

κ
Iuli. metiq;
di.

uenire, euacuandum esse, & euacuationē præstandā, sicuti etiam deriuandum, & deriuationem adhibēdam, hæc enim nō distinguere exactissimè, est empirici personam agere. Veniam ad rem. *Indicatio cōmunitissima est, in repletionē euacuandum*, aded, vt plebeis sit nota, illāq; docuit Hippocrates, non ob id parui faciendus. Nam

L

L. apb. 11.

ad ianuas scientiarum, principia omnibus nota, veteribus mos fuit, illis, proposuisse. Scripsit enim. *Quicūq; morbi ex repletionē fiunt, curat euacuatio.* Itaque plenitudini in genere euacuatio generalis, in specie vero, specialis euacuatio debetur, sic enim M Idem asseruit dicens. *Contraria, contrariis remedio esse, & particularibus contrariis, particularia contraria.* Vnde Galenus, siue plenitudines sanguinis, inflāmationes ve, ex retentione muliebriam in utero curās, siue abortierint, siue pepererint mulieres, euacuationis remedio, & voce semper insigniuit. *Secus vero, segesit, in aliis inflāmationibus vteri ex fluxione ortis, in quarum initiis, reuellit ex braechiis affluentē humorē, in fluxūq; deriuat.* An grauida sit, vel inanis mulier, immemor, cuius mentem, si subire posset cogitatio, cōceptusq; me-

M

L. b. de flatibus noui sige a principio.

dici illius, qui existimauit modō, post tot sæcula, peius tractandas scētas, quam non scētas, forsitā annotasset. Videamus igitur attentius, id quod quotidie nobis fit obuiam, atq; sermonē, testimoniisq; Galeni probo (sic re ipsa exigente) quod, *In retentionibus muliebri, & passionibus, ex illis generis, vena sectionem euacuatoriam appellatam instituat ille.* Nec mirum sit, quod pro rei fide stabilēda, diutius immorer, primoq; ait. *Nam N plenitudines a suppressis mensibus ortas, omnino per crura euacuabis, siue venam secare, siue scarificare oporteat.* Et mox, quæ vero sunt ex cruribus, tantum abest, vt retrahāt, vt etiam menses promoucant, quandoquidem sanguinis ex utero fluxum adiuvant cum euacuatione ex cruribus, quæ fit, aut malleolis scarificatis, aut

N

Lib. de sang. miss. c. 11. & 18.

incissa in talo, aut poplite vena. O Agensq; de cōtinētium cura-

O 9. uicib. c. 5.

cura-

curatione, illi exarauit omnibus notissima, memoria-
 p; digna verba. Itaq; si tempore mittendi sanguinis menses mo-
 ueri contigerit; sine etiam haemorrhoidis sit reclusa, si inspectus
 fluentis impetus, satis fore videbitur, qui solus, quod requiritur va-
 cuet. hæc ille, ubi, hanc vacationem, etiam a natura
 (quã medicus imitatur) appellat. Hæc Galenus, ubiq;
 consonans, vel contrarium ex illo ostendat, ratione
 ve agant, probentq;. *Sed vigilabunt lasi.* Vnde mirũ est,
 quæ nam tam dura carosis illos apprehenderit, vt eua-
 cuationem mensibus retentis correspondentem, cum
 deriuatione humoribus impactis debita miscuerint,
 sed neq; mirum, re melius inspecta. Si enim Galeni le-
 ctioni inuigilantes, passim dormire cõtingit, nisi re-
 cte institutum libri, scopusq;, inspecti fuerint, decipiã-
 tur alii, necessum est, atq; prælofateri, & nonnullos, in
 tantam dementiam incidere, vt Galenum (quem nun-
 quam assequuntur) & ignarum, deceptum, ebriumq; pu-
 blicè, dicant. *Sed similem habent labra lactucam.* Itaq; huius-
 modi affectibus, ex retentione prognatis, in puerperis, & abor-
 tientibus locum suum habuit semper, habebitq; euacuatio expedi-
 bus, at vteri inflãmationem ingrauidis (est enim fluxio in illa ex
 superioribus) reuellimus ex brachiis, & uibilominus ex cruribus
 etiam, sanguinem detrahimus, sed deriuationis gratia. Sicque
 rationi consonum est, neq; in grauidarum inflãmatio-
 nis principio, incipiendum a tali venarum punctione;
 sicuti neq; in tetentione puerperiorũ parturientium, &
 abortientum a basilica, brachioe esse inchoandũ, cũ
 contrariorũ contraria sint ratio, & doctrinæ. Dixi in-
 choandũ, quoniam vt ex P Hippocrate colligimus, Nil
 tam perpetuum, quam nihil perpetuum. Si enim satisfactum
 est indicationi alicui, & interueniet alia, quæ magis vr-
 geat, hæc nos trahet, alia non neglecta. Eodem docete
 Galeno, & vt ad institutum. *Ex pedis venis, euacuumus
 pronocamusq; retentas purgationes* ~~etiam~~, at impactum humorẽ
 in

Lib. de frac-
 turis.

Q
 7. met. c. 12

in vtero deriuamus, in incremento, quod in principio fluxio-
 nis, in vterum, negaret Galenus, vt negat, at vero retē-
 tum in vtero cruorem lubētissimē euacuat, si in rigore
 loquendo, illam euacuationem natura leuata non effi-
 ceret (quemadmodum aliorum dicebat R Galenus,
natura quidem expellente, medicamento vero attrahente)
 te) quod profecto, est quodāmodo, volenti manū por-
 rigere, at vero impactum (vt in vltimo discursu R dixi-
 mus) conamur, vt ex eisdem venis, a quibus particula
 phlegmonē affecta nutritur; ad latera deriuetur, Ia-
 quinū aliqui conati sunt imitari, quos omnes decesserūt
 sane, fateri, non illam venarum distinctionem esse in
 cruribus, quæ in aliis partibus occurrit, sed obliuioni
 tradere affectuum differentias, morborumq; tempora,
 profecto turpe fuit; deniq; vt vno concludā principio.
Distinguant tempora, concordabunt venæ sectionis differentias.
 Sed cum aliam probauerim, venæ sectionis indicatio-
 nem, præstare sanguinem menstruum ibi, in vtero scili-
 cet non grauidæ præter naturam retentum, hanc autē
 venæ sectionem, euacuationem vocatam videlicet,
 nonnulli vocarūt sanguinis missionē prouocatoriā. Neq;
 enim (vt ait) S Ioannes Eurnius, illud rationi consonum est, san-
 guinem vtero, vel aliqua parte contineri tam diu, donec exeer-
 natur, nam toti massa sanguinea manet iunctus, & postea, di-
 stentis sanguine vasīs, per anastomosis excluditur, vt pote ex-
 crementum superflui alimenti. Hanc autem excretionem promou-
 ent natura vis, meatuum libertas, & materia præparatio,
 quæ accidentia efficiat sanguis in non grauidis dicat
 T Galenus. Vnde ergo oritur plenitudo tum venarum, tum vni-
 colorum, nempe ex menstruorum retentione. Nam peruenit qui-
 dem ad vterum sanguis, sed ad interna ipsius ingredi, non potest,
 aut quia crassior est, quam vt per ora vasorum transire possit,
 aut quia clausa sunt ora, itaq; multiplicatus in venis eas extē-
 dit, atq; vicina ipsi vtiacula madefacit, ad horum vero extensio-

R
 3. apb. 22.

R
 Secundo de
 pleuritide.

S
 Li. 5. instit. medic. c. 6.

T
 6. de locis
 aff. c. 5.

uem, vterum retrahi, necesse est, igitur, si vndiq; aequaliter retra-
 batur. Haec enim, hysterica passionem, siue vteri
 suffocationem, passim describens. Haecq; plenitudo venarum,
 vinculorumq; vteri dicitur proprie, & huic proprie debetur
 e saphena euacuatio, cum contenta in vtero materia, sua, pecu-
 liariq; sorte, tali venas sortita fuerit. At deriuatio inflama-
 tionis vteri debetur, atq; multum interest, inter affectus
 & remedia. cumq; inflamatio Galeno, V fere semper fiat ex
 sanguine copiosiori a maioribus venis in minores, & a minoribus
 in minimis, & ex his, ad spatia, musculosq; succute; fluentiq;
 ex eodem auctore, reuulsio debeat, in principio, Et sensus ip-
 se iudicat, multo aliter tractandam inflammationem
 vteri, in grauida, & non grauida, quam immittentibus su-
 pernis truncis, caudicibusq; venarum, ad vteri ramos,
 & radices sit, quam in abortientium, parturiētiumq; siue
 retētionē, siue inflamatione & Augenius, & omnes me-
 dici adhibent, atq; (vt vnico concludam verbo) in re-
 tentione reuocamus, seu prouocamus versus vterum,
 & ad vterum, at vero in inflamatione abuocamus ab
 vtero, deniq; deriuamus, qui (quantum ex artifice agi-
 tur) ferè sunt contrarii motus, & auxilia a contrariis,
 siue oppositis affectibus indicata, at vero alter affe-
 ctus est plenitudo, morborum potius causa, est alter in-
 flamatio, acutus sanè, & periculosus, morbus ingrauidæ
 vtero, quam sic curare oportet accuratius, quam in nõ gra-
 uida, si vera omnes auctores, in hunc vsq; diem, docue-
 runt, hancq; vnanimiter sic fieri X omnes docent. Illi
 q; causam, affirmasse legimus sic, Causa interna inflamma-
 tionis vteri, est multus sanguis seruidus, qui ex alimento abulat,
 & ex vena caua per capillares effunditur, atq; retinetur. Sicq;
 corpus, seu vteri substantiam occupat, neq; aliter in-
 flammationem cõmittere poterit. Quam sic oboculos
 Y Galenus proposuit. Quod igitur per partes inflammatas
 in ipsis vasis, plus sanguinis aggregatum est, tumoribus earum

V
 10. met. s. 6.

X
 Castro, & omne
 nec.

Y
 Li. de tumor
 pret. nat. s. 2

conjectandum est, nihilominus ex eo quoq; , quod vena prius ob paruitatem *Vifum* effugientes, apparent, non sanè, in inflammatione genita, sed eo, quod sanguine repleta, sunt ita ad tantâ magnitudinem elata, vt sensibiles fiant, maxime autem in oculis hoc accidere videtur, & pene, & mântis, quod vero omnis caro quoq; ejus iam maximeq; affectio, est inflammatio, repleti fluore sanguineo videatur, & color, & tumor ipse indicat, ob id vero omnis humida, & madescens vt lana , & spongia apparet. Hæc Galenus, de vteri phlegmone, in cõmuni, nosq; de inflâ- matione vteri in grâuida, & de vena in principio eligē- dâ, sermonis consecutione. *Augenio, & alius, relictis inflâ- mationib^o puerperarum, & abortientium. Quæ omnia idem vir, latissimè, ad tertiam conclusionem.*

3. Cõclusio

Securi grâuida plethora; seu aborsus præcauetur, vel febriles af- fect^o, aliaq; inflâ mationes brachii venis sectis, curâtur, sic & vt- gētius vteri phlegmone. Nâ cõsiliū, affirmâs, non fatas, ex vtero inflâmato vexatas, statim ex brachiis phlebotomandas , fatas vero, statim ex pedibus, impertinens esto , & contra artē medicâ.

Circa primam assertionis partem, nemo potest du- bitare pacata mēte, sicuti, neq; circa tertiã, quum gra- ues acutosq; affectus venæ brachii præcipueq; internæ- ritissimè , & plurimū euacuent, neq; hætenus in via Galeni dubitavit quisquam, circa eam (quem si quis nõ sequatur, errabit necessario) secundam tamen, & ter- tiam ego existimo, cõprehendi sub illa *A Galeni* re- petita auctoritate, nullam exceptionem admittente g- tanidationis. *Veluti (inquit) in locis muliebribus retraches, si eas, qua in cubito sunt secueris venas, aut iuxta mammas curat- bitas apposueris, vel manus conualseceris, & fricueris, atq; allu- gaueris, hac ille, locos muliebres curans, seu Hippocrates (cujus iuuentum dicit esse) a situ sumpta indicatione , qua maioris est momenti; si grâuida, vel iuanis mulier, fata, vel non fata nihil curans. Præter quam quod, vt scimus (perficentibus- neotericis; antiquiorum incepta) fortior, & vigetior, vali-*

validior inquam, in grauida remanet indicatio in reuel-
lendo, ab vtero inflammatione tentatq;imo, & pueris
idest euidens. Nam oppositum exercere, quid dico, e-
exercere, sed scribere, parum dico, cogitare, est maximū
nephas. Neque vnicus auctor, ratio ve, pro opposita
sententia, vel somnio (ignoscat tantus vir) repperitur,
omnes contra sentiunt, quos esset longum, & prater
institutum, adducere. Atq; liceat obsecro, nostrarium
honorem, medicum regium, Doctorem Ludouicum
B Mercado, somnium (vt est in adagio) & solutionem
dirimentem. *Quibus (vt par est) administratis, etiam si affe-
ctio sit in partibus inferioribus, a basilica alterius, vel vtriusq;
brachii, primo sanguinē detrahere oportet. Iuxta vires, aetatem,
habitus, aut anni tempus. Quod sanē dogma, perpetuum sit in
hac curatione, nisi, aut ex abortu, laborioso ve partu, vel nimia
sanguinis profusione (quacumq; in parte sit) inflammationem
prodire, nobis compertum fuerit, Huius rei ratio est, quia con-
jectabile videtur, a supernis partibus, & sanguinis fonte, fluxio-
nem concitari, aut plenitudinem praesse, quam, si prius non de-
posueris, vel longissimē a parte affecta retraxeris, maiorem pro-
cul dubio, in eadem parte fluxionē concitabis, itaq; retractionis,
& plenitudinis deponenda gratia, primo brachiorum venas tan-
dere oportebit. Hæc sapientissimus vir, quæ, inter Hip-
pocratis aphorismos, recenseri debent. C Rodericus
de Castro, qui bene apud plurimos hodie audit. Illum
virum sic imitatur, scribens. *Secundo iis, qua simul aner-
tere, & euacuare valeant, quod primum fiet, sanguinis missione,
ex altera, vel vtraque basilica, iuxta virium robur, &c.*
Hæc Castro, post Galenum Auicenas, & classici, tan-
demque, & scholastici Doctores, & practici, atque au-
ctores Gymnæstiorum librorum. Sed quando adhoc
infortunium, miseræ vtero gerentes, in finibus infœli-
cis sæculi seu senescente iam mundo deuenerunt, vt
nullam grauidationis, rationem, siue prouidentiam,*

Ⓢ
Lib. 2. de
morb. mal.
cap. 17.

C
C. de vteri in-
fluxionat.

C haben

habendam, in illarum phlebotomia, quidam afferuerit veteranus miles (atque ob id damnandus) quod consideratio maxima mittendi sanguinem in grauidis, medicos Aselepiadarum familia natos, tantopere vexauit, Galenumq; sic dubium reddidit (*Vt Celsò viriliter consu- lenti*) nec ausus fuierit venas (nō dico in cruribus abor- sum facientibus) sed nec in bracchiis incindere (horrē- dum dictū) aded̄ pii erga homines extiterunt, Agē, pietas etiam, humanitasq; me vocant, atq; si in foeta, Romanus Hippocrates (vltra Hippocratis coi metas) detrahendum sanguinem docuit, atq; nimirū ex brac- chio (si enim res intimius inspiciatur ex phlebomia ta- li, in grauidis grauibus, potius apuero sanguis detrahi- tur, qui pabulum præbet illi, quam ab ipsa matre, quod etiam timetur in basilicæ sectione) sed vt per se notum supposuit, neoterici etiam, vt legistis, ego illorum mi- nimus, esflagitante necessitate probabo, excellenter in principio phlegmones vteri, inchoandum a venæ sectione bracchii, si mulier sit grauida, quandoquidem in non grauida, sic faciendum docet Galenus, atq; au- ctor singularis curationis non admittere non potuit. Iterum, atq; iterum, atq; si oportuerit millies moneq; me non agere de inflāmatione vteri, Horatii Augenii, oriunda videlicet, ex retentione muliebrium, siue ex abortu; siue ex partu acciderit.

c
In responsio-
ne ad Apolo-
giā Fuchsi.

Supponendo tandem, turpiter lapsum Fuchsiū, sentientem venæ sectionem ex vtero reuellere, atque contendisse aduersus *c* Thadæum Dunnū, quibusdā tricis, quibus Doctissimus Dunnus, maximusq; Gale- ni discipulus satisfacit, vt ibi videre licet (neq; enim est animus chartas implere) non minus quosdam an- tiquitus, sine fundamētis asseruisse, in inflammatione vteri a pedibus demendum sanguinem, omnino princi- pii inflāmationis, temporumq; fluxionis immemores,
 neq;

neq; aduertēdo venæ sectionem ex pedibus deriuare, vt communis tenet schola, & ordo facientium medici nam, quo omnino carere deprehenduntur, qui ad curationem tumorum tempestiuē acciri non reuellant, antequam deriuent, nam vt idem Dunus $\text{\textcircled{D}}$ ait (cum vtrumq; sit necessarissimum pro exacta inflāmationū medella) In his vero inflāmationibus, qua partes inferiores obsident, nullam eiusmodi commoditatem habemus, vt per vnam & eandem venā sectionem, vtrumq; euacuationis genus absq; periculo persiciamus, si quidem non crurum tantum, sed cubiti etiā venas aperire, necesse est. Ex cubito enim venas interiores secātes reuellimus, & in contrariam trahimus radices versus. (Dixit enim in principio secundo. Reuulsio omnis eo maxime dirigenda est, quoad eius fieri potest, vnde sanguinis copia magna ad affecta loca confluit, vel attrahitur. Et in conclusione priori. Reuulsio igitur omnis versus radices vasōrum maximē, ac quantum fieri potest, dirigenda est, non contra, & in altera. Ergo reuulsio omnis præsertim in morbis partium inferiorum ex venis brachiorum est tentanda) ex cruribus vero deriuamus. Veluti in vteri phlegmone cubiti vena reuellit quidem, non tamen tuto deriuat, propter nimiam distantiam, & hepatis quoq; interpositionem, crurum autem sectio, poplitum scilicet, vel malleorū commodissime deriuat, nullatenus tamen reuellit, vna igitur, vnius ve vena sectio, talis in morbis satisfacere nequaquā potest, etenim vena crurum secta, quia in contrarium non trahunt (qua de re libro secundo, & tertio copiosissime alturi sumus) reuulsio-
nis in seruire plane nequeunt, qua propter si primus inflāmationis vteri insultus sit, vena in cubito statim interna secabitur, &c. Itaq; sine reuulsione deriuationem aggredientes, fabricam absq; fundamentis astruant, est necessarium. Atque methodo euersa penitus, radiculam (vt est in proverbio) a foliis manducant, & nos artis præceptorum; indicationumq; nimis obseruantes increpent, quibus valere iussis, ad probationes.

$\text{\textcircled{D}}$
Lib. 1. c. 7.

C. 6.

bu.

Argumentorq; ab inflammatione, non gerentis in utero, ad gerentem, utramq; eisdem regulis inflammationis curandam.

ⓓ
Axioma Ar.
& Galen.

1 *Idem, D in quantum idem, semper est aptum indicare idem.* sed eadem est inflammatio, igitur semper idem remedium indicat. Maior est principium philosophicum, & medicum, minorem probo, quoniam eadem est phlegmone, idem membrum patiens, uterque scilicet, igitur idem remedium semper indicant, sed in non grauida, atque, absque præcautione abortus, debet statim reuulsoria venæ sectio ex brachiis excerci, Atq; oppor-

E
T bald. dñ.
de reuuls.

tune imperata, sufficit sola, sanatq;, Iuxta experiētiam B auctorumq; sententiam absque eo quod ad deriuationem (in foëtis audaciæ signum) deuenire oporteat, igitur in prægnantibus æquius multo, ex brachiis, primo quoq; tempore, iubenda est reuellens sectio venæ.

2. Quando plures concurrunt indicationes, remediū aliquod postulantes, tunc postulatam, maiori energia est exequendum, sed in utero gerente menscm. 8. attingenti, plures indicationes concurrunt postulantes remedium aliquod, reuulsionem videlicet, igitur in talibus remedium maiori vi præstandum est. Maior est indicationum principium in demonstrabile, minor patet. Nam præter generalem retractionem fluctuum humorum in uterum, inspicitur foëtus conseruatio, abortus fuga, matris periculum, atq; aliæ considerationes, igitur multo melius in utero gerente, quam in nõ gerenti, statim a brachiis sanguis est demendus.

3. Ad hominem, si ob aliquam rationē reuulsio esset exercenda a principio, in grauida, uteri inflammatione laborate, maxime, quia a vicinioribus, imo ab ipsa parte, utero scilicet (ut male volunt) inflammatio oriretur, sed hæc esset nulla, contraq; artis dogmata, igitur nihilominus in grauida est exhibenda. Maior est illorum

fundam-

fundamentū, minor improbatu tripliciter, primò quidem, quoniā, cum reuulsio non fiat ratione contēti in parte, non ad partem, idest ad deriuatiouem, inter initia accedendum, 2. quia, cum commune (nisi propriū est dicēdum) sit omnibus inflāmationib; vn decūq; , aut vbicūq; genitis, vt tum etiam a vicinis, & circumstantibus augeantur, commune etiam (aut proprium) auxiliū sit illis reuulsio, methodus insinuat, 3. quia seque retur, quod inflammationibus solis ex remotis oriundis (non in aliis) reuulsio esset imperanda, quod ridiculum est. Nam in quacumq; , reuulsione vtendum.

4. Fluxio timetur, & præcauetur in non foetæ vterū, iure optimo, igitur multo magis, in foeta. p3. con. quoniam, omnia, quæ considerantur simplicia in nō foetæ, necesse est augeri in foeta, ex principio phisico, & F Galeni dicentis *Augetur enim cuiuslibet causa efficientis opus, eius aucta substantia*, timetur nāq; maior fluxio, quoniam (vt supra probaui) refertum est totum corpus vitiosissimis succis, ob foetum, meliorem sanguinē attrahentem, atque ob grauidarum ingluuiem, in illis mensibus, igitur si in non granida, excellentius in grauida, ex bracchiis.

5. In curatione regulari vocata, primus tollendus affectus, qui habet rationem causæ, sine qua non (est exēplum cruditatum oppleta prima regio, respectu venæ sectiōis, & vlceris impletio, generandaq; caro, pro cicatrice inducenda, sed talis causa sine qua non, est sublatio fluxionis, pro phlegmones sientis medella, igitur a sublatione fluxionis, necessariò incipiendum est, sed hoc fit sectis venis bracchii.

6. Dato gratis, incipientem inflāmationem, nō reuulsione, sed deriuatione, & euacuatione sectis saphenis, curandam in aliis subjectis, adhuc in grauidis fugiendū, optimū cōsiliū dixerim ex decisione alterius dubii,

6. ep. 5. 19.

bii, non leuis, & sic probō. In re maximi momēti, ancipitiq; illud remediū (quāuis sit intra idem genus, venæ sectionis, E. g. debet præferri, quod quāuis in se sit minus, in ordine tamen ad morbum, agrūq; , vel ad alia, sit magis securū, sed reuulsio est magis secūra; quā deriuatio, & euacuatio in vtero gerenti, igitur reuulsio in vtero gerenti est præferenda, maior propositio G Galeni est dicēris. *Nempe, & si minus quidem auxilium, quā per purgationem sequatur, securius tamen multo existit.* Minor probatione nō eget, igitur in grauida poti⁹, & melius a venæ sectione brachii exordicdū est, nā aliter abortus sequitur, atq; vehemētissimā inflāmationē excitabis.

G
2. acut. 11.
gam.

7. et vltim

Quidquid subito, & affatim sanguinem, & humores versus vterum, embrionemq; cōmouet, suffocationis illius, atq; abortus est, causa, sicuti qui in diuersum vocat retrahitq; est vitæ retentionisq; principium. Sed sanguinis missio è saphena, & humores versus vterū, embrionēq; cōmouet, & ex brachio retrahit venæ sectione, ergo venæ sectio ex saphena in vtero gerenti suffocationem fœtus, abortumq; inducit, & ex brachiis facit, igitur illa vitanda, hæc maxime amplectenda est. maior, & minor sunt principia medica, igitur ad sensum patet, venæ sectiones in grauidis vteri phlegmone laborantibus, a pedibus minime inchoandas.

Quod si attendistis a me præscriptam, transcriptaq; re solutionem abs doctissimo auctore singularis curationis, vix credere possum, quod responsionem ad illā expectetis, cum nec auctoribus, auctoritatibus ve, nec rationibus aduersus reuulsionem in grauidis faciendā pugnaverit. Nam relictis scopis Horatii Augenii (& omnium medicorum) videlicet. *Abortientes, & parturientes ex retentione laborantes curandas ex saphena sectione,* probantisq; , his inquam relictis scopis, probationes aliorum adductis, perperam applicare volens grauidis

dis, vteri phlegmone occupatis.

Horatium H Augenium transfert, qui ad generum scribés, loquitur vt apud illum licet legere de abortiētibus, parturientibusq; , quibus retenta sunt muliebria, vnde causa est, causæq; principium, sicuti, in *Stimargi famula*. Neq; opus erat Augenio, cum non sit illi⁹ doctrina, sed vetustissimā: at de sanguinis missione agens, *spēctat ad vena scellionem aborsum prohibentem*, ac ex brachii communi vena iubendam consuluit. Nec aliqua ex parte probationes ab illo adductæ in nostrā veritatē militant. *Nam quod intendit I Horatius vtero gēsse tes plenitudinem sanguinis habere posse, de primis mensibus grauidationis enuntiat, & non solum dicit, imo grauidā mens. 8. & similes excipit, dicens. Porro, quæ copiosum habēt sanguinum, possunt statutis mensibus, primis potissimum ea vtero purgari, vtilitate minimè contemnenda, sic enim exoneratur sanguine natura, quo veluti sarcina premebatur, atq; de cætero reddita potentior, fætum optime conseruabit, rarum est (& hoc saltim rarum Augenii debbat auctor singularis curationis in spēxisse, vel melius Hippocratem legisse) Quod aliis mensibus contingat, quandoquidem grandior fætus, vt plurimum solet abundantem sanguinem absorbere.* Hactenus Horatius, manifestè nostras partes agens.

Adducit præterea ex Augenio (vt dixi) inuito, sanguinem multum in acetabulis colligi. Forte, si ea, quæ ex anatomia constant, melius perpendisset, Augenio fidem subtraheret, sed legamus, quæ summus vir, atque meus familiaris (cujus manes sūt saluæ) K Andreas Laurentins, litteris traddidit, *Primo (ait) acetabulum suus denotat conspicuos, in quos vteri vasa desinunt, vmbilici veneris figuram referentes, acetabula hæc in mulieribus nunquam repperiuntur, in ouibus, & capris maximè sunt conspicua, secundò, acetabuli nomine, ora vasorum instar papillarum tumētia intelligimus, Postremo, Cotyledones, ora sunt vasorum, ad vteri*

H
In epist. ad
generum.

I
Lib. 6. c. 4.

K
Lib. 7. anatò
in e quest.
12.

uterum desinentia, & cum umbilicalibus venis coeuntia. Hac potestrema significatione, quis in muliebri utero cotyledones negabit? Hæc ille, ego, quantum sanguinis in his potest coaceruari, & capi secundum naturam? Ut possit inflammationem efficere, inquiri? maxime cum foetum octi mensem famelicum, & egentem tota ars fateatur.

ad illud etiam, quod torquentes (sicut in omnibus aliis) Horatium adducunt. *Ex. 2. ad Glauc. c. 2.* certum est, prædictum Horatium loqui, *de retentione muliebrium, in abortientibus, parturientibusq; , non vero de gravidis, in quibus oritur inflammatio, sicut in non utero gerentibus, quibus ambabus fluxio fit a superioribus procul dubio, tam utero gerentibus, quam inanibus uteris, inter hos casus enim, & ab Augenio adductos, fere est ea distantia, quæ inter cælum, & terram. 2. aduertat quod quamuis dicat Galenus, reuulsionem fluentibus deberi, non negaret fluxuris, imo & auctor singularis curationis id præstat, dum pro præseruatione fortissima epylepsia, humores quietos, e venis pedis retrahere vult, qui non fluunt.*

Deniq; omiſſis multis ab Augenio adductis, verè parum firmis, qui, quamuis eis contendat, *Venam brachii in utero gerentibus incidendam, nequiquam vero in pedibus cum omni scholâ medica.* Vniqum tamen quod maximi facit, & putat, omnes, *nodum gordianum iudicare, proponam, dum, scribat. Quid igitur ad Hippocratis textum respondebimus, quo admonuit, mulierem ab ortire, misso sanguine? quid inquam mihi respondebit idem auctor, si aduersus eam sententiam, alterum eiusdem oraculum protulero? admonens, utero gerentem singulis mensibus expurgari posse. quamuis dicat, fetus imbecillos nasci? Quam obrem abortum non semper facit expurgatio ab utero, neq; etiam faciet Venæ sectio.* Hactenus Augenius, uti dixi, ad insinuandam solam venæ sectionem in utero gerentibus, ex brachio, a maiori ad minus, sum-

sumpto argumēto, nō vt vellit, tali venas tondere, hoc enim saepe repetere, oportet, sed debiliter arguit Augenio, ipse neganda proinde, vel paritas, rationis, vel con. est enim multo alia, & opposita meo iudicio. Nam foetui imbecillo superfluit sanguis, sicq; expellitur: natura, atq; non modo non lædit, sed confert, ne suffocetur (vt dicebam, aperte probans, fictitiā fuisse plenitudinem in grauib; granidis) at forti, seu sano foetui deest alimentum, si sanguis ex quacumq; vena detrahatur, cum magno semper periculo, cum maximo ex cruribus, ex rei natura ipsa, saphena aborsum prouocante, atq; , vt huic parti foelix imponatur finis, cum Augenio, bene, & in precauendis aliquādo aborsibus, brachiorum venas superiores sicante, & in abortientium, & parturientium mensumq; retentione, atq; inflammationibus ex hac subornis, recte saphenas cum omnibus aperiente, conuenio, is enim q̄b auctore singularis curationis, extra propositū adducitur.

Quid igitur super est? quid? vt adolescentioribus consulamus ea ipsa, quæ eminentissimus vir, Doctor Ludouicus Collado refert sic. *Quib; ob rem perpetuò auditores meos moueo, vt Galeni medicū methodum in sinu semper gessent, legant, atq; memoria teneant*, hæc ille, & merito quidem, sic enim maiores, effecti, Horatio Augenio, aliisq; valere iussis, sine cortice natate poterunt, deniq; indicationum compotes facti, ea quæ præstantes neoterici congruā ediderunt, illi inquirere, edereque valebunt, dissona verò, atq; torqa corrigere, confutaretq; , non erit difficile. Illos vero, qui concertationes litterias in rixas, odiāq; trāsmutant, in crimine manifesto fugæ comprehendi, est euident, viriliter agant, seseque erga proximum assiduè exerceant, quos tacendo, operandoq; in palestra expecto, atque (si fas est) prouoco, vt & huic debitum persoluant, & ea, quæ

a me scripta iã diu sunt, In cucurbitulã scarificatã in ple-
 uritide: in omissã venæ sectionẽ in morbi in cremẽro,
 & perperã per missam in statu, exclusam ex purgationẽ
 in morbi etiam augmento: tria puncta totius medici-
 nã vttiliora, a doctissimo vallesio minus prouisa,
 typis, non linguis impugnent, nudi omni affe-
 ctu, sic enim fiet, vt nos dedoceant,
 vel ipsi dedocti ditiores
 recedant.



L A V S D E O. O P T I M C
 Maximo, semperq; Virgini Mariæ ma-
 tri, D D. Hieronymo Bernardo
 patronis, & omnibus
 sanctis.



Q. 1

